





20
21
22
23
24
25
26
27
28
29
30
31
32
33
34
35
36
37
38
39
40
41
42
43
44


古140
564-2.1





27797
錄金石續
一冊





敘



先伯氏太史太乙先生性嗜古金石文家所舊藏
遭明季兵燹之餘罕有存者頻年以來極意搜羅
每獲一紙輒愛玩移時不去手已復考據援証附
以跋言標曰金石續錄續之云者明歐趙都楊諸
公已先有成書茲特踵述也然歷年浸久所獲終
復寥寥時以無力而難聚為憾丙戌官都門寓書
交游之宦達四方者從憇幕榻未及一載視家居
三十年來所購殆欲倍之竊喜自茲以往舉向所

心豔而莫能得者或可陸續羅致以了此夙愿無
何以 母老請告而歸旋以疾卒於私第書遂止
此嗚乎名位為天之所各事業乃造物所忌固也
若茲之披尋往古收拾一二殘碑斷碣以甄別其
佳惡真贗特區區藝圃文苑中之餘技耳宜若不
足為彼蒼妒者而亦將成而物敗之如此夫固不
第震之所痛悼抑亦凡有心者之所深憾也先生
既歿之明年檢校遺文命猶子伯安按其世代而
前後之安曰此編大人乃依歐公例也今盍仍之


予泣然曰爾父之所以例倣歐公者夫亦以其取
方多而未已故隨收隨錄卷帙不復頻更耳而今
已矣無復再為增益矣歐例固難儼也安曰喏於
是稽年而鱗次之計得跋言一百幾十首臚為四
卷數不及諸公之多然有所不及收者其攷核辨
駁並有可以正史家之紕繆者雖未敢謂金石剝
落而此書不朽然於後之留心六書君子未必無
考古取徵之一助也茲因詩文剞劂殆竣行及是
編為識其顛末如此回憶曩歲是時安兒方共事

編錄今書行授梓而兒墓草已宿予老矣心神恍
惚時若有失兩目昏眊幾幾不辨白黑遺稿盈篋
塵網封錮誰復佐予不逮者悲夫康熙庚寅仲夏
同懷弟青震泣序

金石遺文蒐羅編輯都為一書者自歐陽永叔始
嗣後曾南豐黃長睿朱紫陽洪丞相鄭樵朱長文
趙明誠蔡正甫楊用脩王元美趙子岵皆有成書
余收藏既少而學識譚陋又鮮所辨正豈敢續貂
但性頗愛此聊据所見集而成冊間附鄙論云太
乙氏題



金石續錄目次



襄城 劉青藜 太乙著

同懷弟 青震 嘯雲閱

男 伯安 編

第一卷跋三十九首

夏禹衡嶽碑

周武王銅盤銘

周穆王吉日癸巳刻石

周仲尼比干墓題字

秦嶧山刻石

漢太室石闕銘元初五年

漢少室石闕銘延光二年

漢啟母廟石闕銘延光二年

漢魯相置孔子廟卒史碑永興元年

漢韓勅造孔子廟禮器碑永壽三年

漢郎中鄭固碑延熹元年

漢鄭固碑陰

漢孫叔敖碑延熹三年

漢泰山都尉孔宙碑延熹七年

漢孔宙碑陰題名

漢西嶽華山廟碑延熹八年

漢魯相史晨饗孔子廟後碑建寧二年

漢郭有道碑建寧二年

漢淳于長夏承碑建寧三年

漢李翕析里橋郾閣銘建寧五年

漢尹宙碑熹平六年
在韓仁碑下誤刊於此

漢韓仁碑熹平四年

漢白石山神碑光
和四年

漢郟陽令曹全碑
中平二年

漢曹全碑陰

魏公卿上尊號表
黃初元年

魏受禪碑

魏封孔羨奉孔子
祀碑黃初元年

魏孝文皇帝弔比
干墓文太和

晉太公呂望表
太康十年

晉蘭亭敘永和
九年

東方朔讚

洛神賦

後魏韓陵碑

北齊造丈八大像
頌天統三年

北齊孔子廟碑
乾明元年

隋陳明府修孔子
廟碑大業七年

隋皇甫誕碑

陳智永真草千字
文

第二卷跋三十七
首

唐太宗移少林寺主檄武德四年

唐孔子廟堂碑武德九年

唐虞公温彦博碑

唐九成宮醴泉銘貞觀六年

唐萬年宮銘永徽二年

唐三藏聖教序永徽四年

唐道因禪師碑龍翔三年

唐三藏聖教序龍翔三年

唐集右軍聖教序

唐集右軍殘碑

唐龍興宮碧落碑咸亨元年

唐碧落碑釋文咸亨十一年此不應在此以下其釋上文也故附上文之下

唐修孔子廟詔表鳳儀二年

唐天后詩元淳二年

唐隱居王徵君口授銘垂拱三年

唐石淙秋宴詩久視元年

唐景龍觀鐘銘景雲二年

唐贈歙州刺史葉公神道碑開元五年

唐御史臺精舍碑開元十一年

唐少林寺牒文十一年

唐道安禪師碑十五年

唐少林寺碑十六年

唐元氏令龐履温碑二十四年

唐大智禪師碑

唐尉遲迴廟碑二十六年

唐元宗注孝經

唐華嶽精享碑

唐嶽麓寺碑

唐雲麾將軍碑

唐郎官石柱記二十九年

唐尊勝陀羅尼呪

唐嵩陽觀碑天寶三年

唐北嶽廟碑七年

唐靈運禪師碑九年

唐湛橋寺石像頌九年

唐千福多寶塔碑十一年

唐永泰寺碑 十九年

第三卷跋三十一首

唐代宗勅廣德二年

唐郭敬之家廟碑 廣德二年

唐元次山悟臺銘 大歷二年

唐大證禪師碑 四年

唐中興頌 六年

唐干祿字樣

唐元公次山墓表 七年

唐贈揚州都督高公神道碑 十二年

唐義陽郡王符公神道碑

唐殷夫人墓誌

唐淨住寺文賢像銘

唐顏魯公東方朔讚

唐顏氏家廟碑 建中元年

唐不空禪師碑 二年

唐爭座位書彙

唐會善寺戒壇勅 貞元十年

唐少林寺廚庫記

唐楚金禪師碑二十一年

唐羅池廟碑長慶

唐嵩高靈勝碑太和

唐尚書馮公神道碑開成

唐元秘塔碑會昌元年

唐圭峰禪師碑大中九年

唐張旭斷碑千文

唐張旭肚痛帖

唐懷素藏真帖

唐懷素律公帖

唐懷素聖母帖

唐懷素草書千文

唐懷素自敘帖

唐草書心經

第四卷跋三十八首

宋中嶽廟記乾德三年

宋會善寺佛殿記開寶五年

宋休復謁孔子廟記淳化三年

宋贈夢英大士詩咸平元年

宋中嶽醮文祥符八年

宋晏殊巢父井詩皇祐三年

宋瀧岡阡表熙甯三年

宋黃山谷臥羊山題名三年

宋嵩陽題名五年

宋黃山谷達磨碑

宋蘇東坡歸去來詞元豐四年

宋蘇東坡蜀岡詩

宋蘇東坡書醉翁亭記

宋米元章方圓菴記六年

宋米元章十文

宋蔡襄書錦堂記

宋蔡卞曹娥碑元祐八年

宋刻真武經元符二年

宋于真菴記

宋絳州孔子廟碑

宋三十六峰賦建中靖國元年

宋竹林寺羅漢洞碑記崇寧元年

宋黃山谷題中興頌後詩三年

宋孔子廟記大觀

宋嵩嶽題名宣和七年

宋元祐黨籍碑嘉定四年

宋韓宗道墓誌

宋韓宗厚墓誌

宋游師雄墓誌

宋朱文公書

金趙秉文草堂詩正大

金修孔子廟碑正大

金竹閣寺碑正大


金葉令劉雲卿去思碑

元少林寺裕公碑

元佑聖觀重建元武殿記

元重刻送李愿歸盤谷序

元重刻唐太宗幸慈德寺詩



金石續錄卷一

襄城 劉青藜 太乙著

同懷弟 青震 嘯雲閣

男 伯安 編

夏禹衡岳碑

此碑宋嘉定中何致子一遊南岳脫其文刻於岳麓書院其後楊用脩刻於安甯州楊時喬刻於天開岩余所收即子一本也據韓昌黎岵嶽詩已有千搜萬索何處有之歎矣不知子一何從得之



周武王銅盤銘

銘在汲縣比干墓乃元延祐間衛輝路學正王悅所摹汝刻也偃師亦有此銘相傳云開元中縣人耕地得盤其文與此全同但萬世之靈靈作藏于焉是寶于作茲為小異耳而或者遂謂比干墓在偃師則非也偃師雖亦殷都然殷亡在朝歌太師安得葬此大抵因獲是銘而立墓耳

周穆王吉日癸巳刻石

石舊在壇山慶厯中宋尚書祈過趙訪問遺蹟州

守使人尋得之令劉莊者因鑿取輦置贊皇權郡

事李中裕乃陷諸廳壁其題識文字甚鄙俚今在

贊皇學門壁間友人徐壇長贈丁亥元旦早朝歸書

周仲尼比干墓題字

隸釋諸書辨其非孔子書甚明然體自古質

秦嶧山刻石

嶧山火後傳刻失真久矣余所收乃鄭文寶本也

漢太室石闕銘

右太室闕銘在嶽廟南百步元初五年四月建分

書已剝落不可識

漢少室石闕銘

右少室石闕銘篆書在少室山少姨廟前漢安帝時建已剝落不可識矣啟母石之說已自不經而遂目少室為塗山之妹荒誕極矣而楊炯碑云后宗之位象南宮之一星外戚之班比西京之列傳亦猶將侯三妹清溪之軌跡可尋虞帝二妃湘水之波瀾未歇何止祠稱丁婦廟號滕姑少女宅于西宮夫人館于南岳織組雖工不當有識之一噓也元遺山云可憐少室老突兀也被人呼作阿姨余每讀之不覺失笑

漢啟母廟石闕銘

右石闕在啟母廟南漢延光二年潁川太守朱寵造大篆其可識者戶曹史及辛癸之間數字而已啟母事諸書所載誕怪可笑而崔融廟碑云鸞川之上母變空桑豚水之濱男生破竹美人之虹名蟠螭仙婦之月作蟾蜍劈積鋪張信為實事無識甚矣乃譏顧野王輿地志盧元明嵩高記不尋

漢避景帝諱改啟為開之旨以啟母為陽翟婦人何異同浴譏裸

漢魯相置孔子廟平史碑

右碑乃魯相乙瑛請于孔子後選試一人為百石卒史管領禮器而立也時克選者孔龢孔子十九世孫司徒司空以元嘉三年三月二十日壬寅奏洛陽宮即日下魯相承書從事永興元年元嘉只改元永興六月十八日平西魯相平行長史事下守長壇上司徒司空府歐公云碑完好可讀錄之

以見漢制三公奏事如此與羣臣尚書者小異也又見漢祠孔子其禮如此以碑文較之歐公蓋節錄耳未備錄也然亦有本文不宜節者按碑先聖師侍祠者孔子子孫太宰太祝令各一人皆備爵與加寵子孫敬恭明祀及能奉宏先聖之禮為宗所歸者云云蓋當時請置百石卒史掌領祭器明係于孔子宗支選之如省去則本事不明矣至趙子函所云洛陽宮下二十八字歐洪都皆不之及者則亦有說此二十八字乃司徒司空名字鄉里

本與上文不屬因此下有空處故勒于此耳碑後
讚曰巍巍大聖赫赫彌章下將相乙瑛今鮑疊名
字鄉里填入體制殊不類瑛字少卿歐公云仲卿
亦誤至張稚圭所題鍾繇書者其謬明甚不待言
也上書者相瑛及書下時相乃平也碑文自明康
熙丙戌五月二十五日暢春苑淡寧居引見畢歸
慈仁寺書

漢韓勅造孔子廟禮器碑

韓明府造孔子廟禮器碑漢桓帝永壽二月立後
列明府名字及出錢姓名八人明府河南京人名
勅字叔節歐公以史傳未有名勅者廣川書跋云
勅字从束謂誠也明府自名勅古者以勞賚為勅
音文俱別南齊有劉勅為始興內史其言甚辨足
正六一之誤又歐公以霜月皇極日為文字之弊
而都元敬亦以雜用識緯薄之良是趙子函顧稱
其記法簡質非今所能吾所未解碑隸書瘦硬平
直與卒史全不相肖而子函謂與無二亦不然也
碑人作仁及作伎其作琦瑚璉作胡輦康熙四十

七年八月八日東軒書

漢郎中鄭固碑

此碑歐公云已磨滅余所收僅上段十八字而又多剝蝕然其可識者與集古錄可參觀也授業于歐陽下遂窮究于典籍句至今尚存而歐本無之弱冠仕郡史詔曹掾史主簿督郵歐本無弱冠字郡下無史字詔作諸又乃邁凶愍年卅二句男孟子有楊烏之才句又以旌遺芳其辭曰於惟郎中實天生德順親誨弟謙恭缺二教缺一以義缺世

恆式從政事上以忠自勗貢計王庭華夏歸服缺二

字雅意色斯自得乃邁氛災隕命顛沛家無所怙

國缺三嗟嗟孟子苗而弗毓奉似致元兄修孝罔

極此皆歐本所無者孟子明係其子早夭者銘辭

雖缺略然於惟郎中句猶可以知其官不待碑首

而知之也故詳錄之使後世有所考云

漢鄭固碑陰

右碑陰列中部督郵一人門下督盜賊劇一人門下議史一人門下書佐二人騎吏劇一人故吏五

人書佐十二人行義劇一人循行十九人書佐劇
三人千六人缺一人小缺一人銘曰暨建虎碧惟
故臣吏慎終追遠諒闇沈思守衛墳三缺禮備陵成
字立樹列既就聖典有制二缺墓側永懷二缺不可二缺
以義割思似志寫著遺辭以明本意魂靈瑕顯降
垂嘉祐題名凡作三段鄉里名字俱詳而銘勒于
後題名後銘他碑所無而其字缺者尚少故詳錄
如右循行見漢志集古錄作脩行似誤
漢孫叔敖碑

延熹三年五月二十八日立據碑固始今段因夢
叔敖架廟銘碑期思縣宰段光興祀立壇刻石銘
碑似有兩碑今只存其一碑中敘叔敖事多列子
莊子左氏呂氏春秋賈子所不載者又或一事而
有詳略同異猶可曰別有所據也叔敖仕楚本虞
邱相進之于莊王以自代其卒也亦在莊王之世
莊王之後凡四傳而至靈王此最為易知者而碑
云生于季末仕于靈王卒後數年莊王置酒優孟
乃言云云其乖謬至此可謂甚矣而歐公不之摘

但以因碑得知叔敖名饒為幸董道亦不之及但
謂安順以後諸儒造為異說所紀諸名字為西漢
所不道者皆不足信而已又云寢邱乃叔敖所命
于其子者子孫能守不廢又何至乞食優孟而後
求封此地哉按召叔敖子封之寢邱載于史記而
呂氏春秋云教戒其子曰我死王必封汝汝無受
利地荆楚間有寢邱者其為地不利可長有也其
子從之碑云叔敖子云父有命如楚國不忘亡臣
而欲有賞必如潘國下濕磽塉人所不貪遂封潘
鄉正於史記呂氏春秋合此無庸指摘者也廣川
書跋引証辨駁最為精核其中駁正歐公者如華
岳碑之集靈宮朱龜碑之討益州事韓勅之名勅
唐之有兩崔敬嗣真足正廬陵之謬訛而此與歐
公同一忽略何邪又碑云固始令段夢見孫君則
存其後就其故祠為架廟屋立碑而道云架廟堂
屋以存其後亦與原文不合存其後自為一事非
堂屋以存之也

漢泰山都尉孔宙碑

宙卒于延熹六年碑立于延熹七年歐董皆誤作
四年當以趙子函為正至于人臣而引禹湯為比
在今人于文為不類歐公之言良是而董適歷引
詩書以為人古臨文不諱其氣固已蓋天下矣文之
佳惡豈關諱不諱哉持論如此與兒童之見何異
桓帝紀云元嘉二年冬太山瑯琊賊公孫舉等反
叛殺長吏明年秋七月初置太山瑯琊都尉官尉都
建武七年省惟置邊郡及屬國都尉茲因寇盜不息故置碑云東岳黔首猾夏
宙為都尉當在此時政與紀合又紀云永壽二年

秋七月泰山賊公孫舉等寇青兗徐三州遣郎中
段熲討破斬之熲傳云泰山瑯琊賊犯東郭竇公
孫舉等聚眾三萬人遣兵討之連年不克永壽二
年司徒尹詵薦熲拜為中郎將擊竇舉等大破斬
之獲首萬餘級餘黨降散都不見宙名字且永壽
二年秋七月置太山都尉官三年秋七月賊始平
而碑云旬月之間莫不解甲亦夸而失實矣宙二
子褒融宙平時融年十三褒當更長又皆早慧碑
內皆略而不書何邪

漢孔宙碑陰題名

碑陰列門生門童故吏故民弟子共六十二人歐公謂親受業者為弟子轉相授者為門生洪丞相謂未冠曰門童椽屬曰故吏占籍曰故民然門生前列次門童次吏民而弟子反居最後何邪門生四十二人歐公云四十三人而門童一人竟遺之漢西岳華山廟碑

此即諸書所辨郭香察書者也据石墨鐫華嘉靖間為華陰令所毀錢牧翁所收缺百二十字以為難得丙戌春客京師宋太宰出所藏本索予為之跋僅缺十餘字信可寶也字體遒勁在漢隸中別為一種李北海葉有道碑似發源于此丙戌夏領賜書歸書

漢魯相史晨饗孔子廟後碑

晨以建寧元年四月十一日到官行秋饗飲酒泮宮復禮孔子而無公出酒脯之祠輒依社稷出王家穀春秋行禮二年三月七日上尚書參驗後饗于堂廟故復勒此碑文辭古雅尚存漢人餘風所

謂並列本奏者即上尚書原文也按前後二碑所謂依社稷出王家穀者蓋社稷之祀漢制皆公出而于時孔廟尚無定制故依其例也王家穀即公帑卒史碑春秋饗禮財出王家無極廟碑祠牲出王家與此正同而趙子涵云自出俸錢以供禮祀顧亭林金石文字記直以史晨請出家穀祀孔廟標目其亦不審矣

漢郭有道碑

据石墨鐫華碑已經三刻劉豹南侍御案河東曰

曾寄余一紙其離奇變化猶髣髴行間漢碑例不著撰書姓名諸碑之傳為中郎者皆無徵獨此出中郎手無疑恨不得元本耳余又疑此碑失傳或不在近代若如鐫華所云則未經秀才昇去之先歐趙諸公何不一言及之耶康熙四十四年九月九日東軒書

漢淳于長夏承碑

右碑明係宋時重刻而楊用修都玄敬王元美皆云漢刻何邪刻手不佳神氣全失所謂隸法兼篆

籀則信然也

漢李翕析里橋郵閣銘

是碑余家無之丙戌官都下于同館萬授一檢討
許得細閱之乃孫北海公藏本孫祭酒樹峯先生
售之而授一借觀者碑建寧五年立文中驛散關
之峭潔徙朝陽之平燥及遭遇隕納等語歐公疑
之董道楊用脩釋之然要險僻不足法也其字亦
太涉于怪非漢碑之佳者康熙四十五年十月二
十一日慈仁寺書

漢尹宙碑

碑在鄔陵因洎水泛漲岸崩而得之以近出故完
好無缺按碑宙字周南鄔陵人高祖父皆具官而
不詳其名宙歷仕主簿督郵五官掾功曹守昆陽
令州辟從事名位甚微而碑云正色立朝又謂本
溫良恭儉之德得無失實乎然其分隸方整渾穆
信漢碑之尤者余所得韓仁及此碑皆趙子涵所
未覩所謂埋沒地下以待後死者信矣宙卒于熹
平六年碑首有孔右篆從銘二字康熙四十五年

十二月入都之前二日東軒夜書

漢韓仁碑

碑在滎陽正大間滎陽李天翼掘地得之趙公秉
文李公獻能皆題其後仁循吏不見于漢史非此
碑則其姓名亦不傳矣碑止載當時下書豎石原
文不贅一辭甚為古雅雖間有殘缺猶可讀也以
世之知之者少故備錄之熹平四年十一月甲子
朔廿二日乙酉司隸缺河南尹校尉缺問典統非
任素无績勲缺善缺仁前令聞熹經國以禮刑政

得中有子產君子

缺三尉表上遷槐里令除書未

到不幸折命喪身為

缺五祀則祀之王制之禮也

書到郡吏似少牢祀

缺冀行勗厲清惠以佺其美

豎石訖成表如律令十一月二十二日乙酉河南

尹君丞熹謂

似詣京寫缺

墳道頭訖成表

言會月卅日如律令据碑仁墓當在京惜失其處

趙公謂其字類劉寬寬碑今不存無從考然敦朴

自是漢人書也閑閑金源名宿雅以書名此跋分

書殊不佳

漢白石山神碑

碑在真定元氏縣無極山中分書漢光和六年立碑首篆白石神君碑五字陽文碑後列常山相馮巡元氏令王翊及長史丞尉掾史諸名又有石師王郎殊不曉石師所謂豈伐石匠耶抑石神巫師耶後又贅燕元璽二年正月十日主簿程大守門傳白石將軍教立祠今為火所燒文義既乖謬字亦不類其為後人贅刻無疑元璽慕容儁僭號也按集古錄所載乃光和四年常山相馮巡元氏令

王翊使常山蓋上黨范遷詣太常為無極山神索法食得請因而造廟立碑此碑蓋享祀之後年豐民和而禮神功者也四年請祀事亦具列碑中云漢隸多匾而此碑字體獨長白石神君事殊不經而詣闕諸祀當時禮官亦不聞駁正蓋漢至靈帝政衰國危國將亡聽子神無足怪也乙酉予將北上田子青筮東予購之丙戌十一月五日友人徐壇長用錫見遺因書

漢郟陽令曹全碑

碑在邵陽萬曆間始出故字完好趙子函謂其西
降疏勒事與范史不合信然碑云續遇禁網潛隱
家巷光和六年復舉孝廉禁網似指黨錮而言按
全生平未見與黨人有連似不應波及且按中平
元年黨禁始解光和六年尚未赦安得舉孝廉耶
豈所謂禁納者以他故罹文法邪至清儼夷齊等
語言甚不倫東漢之末文衰辭夸碑銘大抵如是
耳其隸法適古饒有逸韻近人多目為中郎書中
郎以光和二年亡命吳會自是十二年始為董卓
召用是碑造于中平二年正其亡命時也安得書
此此本不足置辨因近世附會者衆聊及之余家
舊無此本時從友人田子青筮借觀丙戌官都下
友人方子養虛正玘贈一本邵陽康子孟謀乃心
寄五本貧兒暴富不減坡公讀漢書後也康熙四
十六年十月十五日 太和殿早朝謝悃歸書

漢曹全碑陰

縣三老一人鄉三老一人徵博士一人門下祭酒
一人門下掾門下議掾各一人督郵二人將軍令

史一人郡曹史守丞二人鄉嗇夫一人功曹十三
人賊曹史二人金曹史一人集曹史一人法曹史
一人塞曹史二人缺部掾一人缺曹史一人處士
一人郵掾一人市掾九人主簿一人門下賊曹史
一人門下史一人義士四人中有殘缺五行不知
為何等人也博士李儒見前碑內諸人皆書字下
列五百三百皆所出錢數也至千而止

魏公卿上尊號表

魏受禪碑

二碑在今許州之繁城即漢之繁昌縣也碑故在
受禪壇上後移置漢愍帝廟中廟舊祀曹丕邵公
二泉刺許日改祀獻帝又以獻魏謚乃從蜀謚而
稱愍有碑記其事文頗雅馴是碑劉禹錫以為王
郎文梁鵠書鍾繇鑄世號三絕顏魯公云鍾書而
右軍云之許下觀梁鵠鍾繇書以余觀之勸進蒼
勁而受禪方整與孔羨碑酷肖雖未知的出誰手
要之為兩人無疑余嘗恨以篡逆為揖讓始于當
塗直至于朱梁作俑之罪不可勝誅而彼且大書

深刻以誑後世何其無恥也特以字書之工為翰
墨家之所寶重耳舊題長句榻本後云承露金人
淚漫流山陽轉瞬為陳留父為文王子舜禹空將
唾罵遺千秋遺臺百尺繁昌縣狼淵之東憶曾遊
受終壇荒餘老樹陰風白日聞鴝鷓雙碑移來愍
帝廟突兀尚爾蟠龍虬其一勸進頌功德相國臣
歌冠百僚叶延陵退讓非達節會稽鬱悒蒼梧愁
其一哆口獻禎祥援引虯出狼啣鈎靈宮壇壝陳
牲幣納壘告類垂九旒借問撰刻者誰氏文出王
郎字鵠繇龍威虎震鴻鵠戲七尺並峙嵩少傳惜
哉不書諸葛表兼金片紙逾琅璆流傳終賴點畫
工觀經鴻都入同稠墻根更有蛟螭蟠讀來如翳
豁雙眸涑水老子尚糊塗索米小兒安足尤炎正
一綫章武繫紫陽巨筆橫戈矛螟蝗蝮蝮合驅逐
廟貌茲土無乃謬叶春秋大義炳日星奸魄立褫
孱主扶叶琨玉秋霜北海相君臣一體蘋繁羞華
衮鉄鉞儼在手二泉此舉何其邁辭嚴義正氣磅
礴嗟爾雙碑殊薰蕕願將巨斧劈雙碣一洗萬古

之餘臭叶

魏封孔羨奉孔子祀碑

魏黃初元年封孔子廿一世孫羨為宗聖侯兼脩廟宇故有是頌書法與受禪如出一手張稚圭云按圖記陳思王植作詞梁鵠書未知何据

晉太公呂望表

碑在汲縣西門甕城太公廟西壁間太康十年立分書既不大佳又係後人重刻余嘗摩挲久之康熙四十六年請假南歸塗次書

晉蘭亭敘

近世摹刻甚多未見佳者聞王山史家有五字不損本惜未見

晉孝文皇帝吊比干墓文

碑正書在比干廟大門內堦西倚北壁字多奇怪

東方朔讚

此讚殊不似右軍山谷謂似吳通微黃庭外景者亦不盡然也

洛神賦

山谷疑非子敬書然筆勢翩翩自可愛也

後魏韓陵碑

碑在彰德府北韓陵山定國寺內蓋當時既破爾
朱榮于此建寺山上而樹碑以旌其功也子昇才
藻自是北土之傑然此碑似不及殺爾朱榮赦詔
所以至今艷稱者以徐孝穆片石共語故耳舊碑
已殘缺予所收乃明季司李重刻者余嘗有韓
陵懷古詩云穀塘原上北風起黃龍飛弓朝接趾
乳雞虐言高浮圖刀筆小才真宰豔霸業將歸賀
六渾天柱永安博一死雨雲六陣借蛟龍高牙早
建陽曲裏素箏濁酒天遣來冀州坐送滏口壘洹
水軍集紫陌屯韓陵圓陣古無比人物北朝溫子
昇陵顏轅謝擅長枝天上石麟過江來黃絹如聞
夸子禮精廬半圻沃壤荒雨溜苔蝕字欲毀停車
落日弔遺蹤片石摩挲嘆不已憔悴却思剪馬時
天寶陰謀誰相啟熒惑入斗下殿走青雀旋作鸚
鵡子彼此何殊貉一丘以暴易暴寧足美黑獺戰
場柳成林渭曲不洗竇秦恥鼓山佛頂今已空石

馬嘶風臨漳水藁燃河邊殺翹飛鑄像一瀉奪玉
璽犢車載出雲龍門舜禹之事乃如此西陵咫尺

阿瞞鄰一例周文差相擬

北齊造丈八大像頌

右頌不知故在何處今為許昌關壯繆廟卓刀石
字跡猶存頌無撰書名據文齊天統五年邑義

一百人等造丈八大像其頌曰寶殿蓮基尊像靜

嘿聲聞菩薩侍立其側徒眾和雍僧房嚴飭禪誦

歎詠晝夜無息以此福緣壽根無極又云其建福

處也北連名山太丘之廟南有高堦胡城永固處

在中央亦不知今何處也題名自諸維那外皆署

邑子而朱姓居十之九其名絕奇如朱領年朱羅

漢朱阿董朱又介朱醜朱歡喜之類甚多

北齊孔子廟碑

碑分書極佳但剝落所存無幾字惟齊乾明元年
字可識耳乾明齊廢帝年號也

隋陳明府修孔子廟碑

碑大業七年七月二日立濟州秀才前汝南郡主

簿仲孝俊作文無書者姓名而下書孔子卅一世
孫孔長名卅缺世孔子歎缺三分隸雖頗有古意
而去孔羨碑天淵矣陳明府名叔毅字子嚴碑云
陳宣帝之子按史宣帝四十二男未及封者八人
叔毅其一也入隋為曲阜令勸孔宗修堂廟碑疑
即孔宗所立云隋世最重秀才一代僅十數人孝
俊不見于史据此文似不足與杜正玄兄弟同科
也

陳智永真草千文

永師右軍七世孫書法秀逸可謂克肖但草書拘
于行次字必單行無復變化之妙据大觀乙丑薛
嗣昌跋乃長安崔氏所藏真蹟勒石漕司南廳薛
書摹永亦自優孟

隋黃甫誕碑

碑于志寧撰歐陽詢書誕仕隋官至并州司馬總
管仁壽四年死漢王諒之難贈柱國光祿大夫封
弘義公謚曰明詳隋史誠節傳碑與史合而賜帛
五千疋粟二千石以資喪事則獨詳于碑碑不書

建立年月而石墨鐫華謂立于唐者以于歐署銜
及其子無逸署民部尚書滑國公知之也書自峭
勁然不及醴泉宮銘之秀潤

金石續錄卷一終

金石續錄卷二

襄城 劉青藜 太乙著

同懷弟 青震 嘯雲閱

男 伯安 編

唐太宗移少林寺主檄

此武德四年太宗移少林寺主檄也自稱太尉尚

書令陝東益州道行臺雍州牧左右武侯大將軍

使持節涼州總管上柱國秦王世民檄是時寺僧

曇宗等執世克姪仁則翻轅州來歸檄所謂擒彼

克孳奉順輸忠即指此也辭氣壯朗得告諭體正書筆筆藏鋒致為蒼老太宗諱以渴筆草書填之故開元帝題額謂太宗文皇帝御書云

唐孔子廟堂碑

太子中舍人行著作郎虞世南撰並書司徒並州牧太子左千牛率兼檢校安北大都獲相臣王旦書缺一字蓋武德九年詔修孔廟明年仲春釋菜祭酒楊師道奏請勒碑也余所收凡二本其一後署

興軍節度管內觀察處置等使特進檢校太師

兼中書令行京兆尹上柱國瑯琊開國公王彥超再建乃長安本也形模僅存而鋒鋸盡失其一鄒縣本神采奕奕尚自動人真得永師筆法但作相臣王旦則所未喻碑中歌字作哥南史已然不足異也戊子中秋前一日書

唐虞公溫彥博碑

碑已殘闕僅存上段十八字又多剝落碑前題唐特進尚書左僕射上柱國虞公溫公碑字隱約可識其後云祖裕魏大中大夫又云大業之始以親

喪去官又出奔高麗既而乘轅南返詔公銜命蕃境又云為東北道詔討大使又詔民部尚書莒公國唐儉工部侍郎盧護喪並給東園祕器賻贈一千段皆本傳所不詳者彥博辭令進止見稱當時碑云瓌姿丹舉韶音玉振非溢美也碑歐陽詢書比皇甫碑差小王元美以標格清峻目之良然予通書全出於此而不逮遠甚

唐九成宮醴泉銘

秘書監檢校侍中魏徵撰太子率更歐陽詢書詢書故精勁而此銘尤為秀潤皇甫碑尚不及也九成即隋之仁壽宮在麟游縣西五里隋文帝十三年命楊素營臨幸者六竟終於此貞觀五年復置更名九成太宗前後凡五幸之周垣千八百步並置禁苑及府庫官寺等銘云損之又損去其太甚雜丹墀以砂礫間粉壁以塗泥恐亦非實然以人從欲良足深尤居高持盈永保貞吉云云信有箴規之意非鄭公不敢道也醴泉謂其甘如醴耳似不必置辯董道極淹博此跋云云未免多事

唐萬年宮銘

萬年宮即九成宮銘高宗御製並書行草輕健神致飛揚絕類聖教永徽二年二月十五日勒碑陰從官五十餘人自書官名惜不之見

唐三藏聖教序

右聖教序記分刻慈恩寺兩龕序後署永徽四年十月十五日建中書令臣褚遂良書記前署永徽四年十二月十一日建尚書右僕射上柱國河南郡開國公臣褚遂良書兩碑相去僅月餘而結銜不同何邪正書時兼行筆間用分隸古茂似在同州本之上而子涵云同州較勝殊未確董道云河南本學逸少而能自成家法疏瘦勁鍊又似西漢往往不減銅筍筆書其論甚精而張懷瓘乃以畫虎效頻澆漓後學罪之可謂謬妄矣

唐道因禪師碑

道因嘗與玄奘證譯梵本顯慶三年死碑建於龍朔三年中台司藩大夫隴西李儼字仲悃製文奉議郎渤海縣開國男都尉歐陽通書古碑篆額而

無題亦不書撰書姓名唐碑皆有題有撰書姓名而但云某撰間曰某製名下附字者絕少此碑碑下加文字名下附字製下加文則贅甚矣且撰者字而書者獨名亦未安蘭臺書世稱險勁比其父書失於瘦怯董道謂失於豐濃余則謂失於局促耳

唐三藏聖教序

此碑乃龍朔三年刻於同州者較塔本頗小筆力雖道勁然神氣遠不逮也後署云大唐褚遂良書在同州倅廳按古碑署名未有以國號系之者亦未有略其官階直書姓名至於贅以在同州倅廳則尤為可笑其為後人附益明甚王元美疑之良是

唐集右軍聖教序

王元美曰右軍真蹟自禊帖外不應行法大小勻整乃爾且梵字多所不備小小展縮偏傍湊合所不免也予謂懷仁集書累年方就宣和書譜明云集右軍諸行字所成則展縮湊合不待言也集帖

之工以此為最他如興福寺殘碑絳州碑遠不及也
以摹榻者多糊塗已甚余所收者乃友人張子員喬所藏宋榻

唐集石軍殘碑

碑上段已缺据其可見者則神龍開元間宦者吳諱文之墓碑也其官階猶厯厯可考有云夫人恒國李氏圓姿替月潤臉呈花可為噴飯集書雖不及聖教然此闡亦黠矣

唐龍興宮碧落碑

碑在今絳州龍興觀觀舊名碧落碑之得名以此諸公聚訟要以李肇為是韓王元嘉子訓誼譔譔造石像以追薦其母妃故有是碑李肇為陳惟玉書李漢為黃公譔書迄莫為定而洛中紀異所云二道士書化為白鶴而去尤誕怪不足信也篆法奇古宜陽冰為之傾倒中缺四字或謂陽冰毀其佳者而去余謂此碑篆法前後一律何所分別而偏毀數字耶且陽冰亦未必忘刻至此殆好事者為之耳按唐書韓王好學藏書萬卷皆以古文字

參定異同子讓封黃公工辭章孟利貞嘗稱其文
曰劉隣之周思茂不是過也家書甚多皆文句詳
正秘府所不及据此則謂碑為讓書理或然也韓
王垂拱中嘗為絳州刺史在立碑後碑咸亨元年
立

唐碧落碑釋文

咸通十一年鄭承規奉命書筆力頗健但少精神
子涵謂有歐虞遺意恐未必也所謂奉命書者亦
不知阿誰所命

唐修孔子廟詔表

唐太宗封孔德倫為褒聖侯詔一通武德九年十
二月廿九日下高宗加贈孔子太師詔乾封元年
正月廿四日下祭文一通則二月二日遣司稼卿
扶餘隆以少牢祭孔子者也與大子弘靖樹碑表
一通合為一碑鳳儀二年七月立封孔德倫事太
宗紀失載高宗以麟德二月如太山明年正月改
元乾封幸曲阜祠孔子本紀所載與詔所云展采
東巡回輿西土塗經茲境者正合碑分隸全摹封

孔羨碑而筆力遠遜碑後有昌明二年九月提控
修廟朝請大夫開州刺史高德喬所紀易跌事行
法酷肖米海嶽又碑書太宗詔而石墨鐫華云高
祖詔以年署武德故也太宗以武德九月即位而
詔下在十二月子函偶失檢耳

唐天后詩

武后詩一首題云從駕幸少林寺觀先妃營建之
所用述悲懷又書一通則遣三思賫金絹等物付
僧營建者也自稱弟子殊可笑永淳二年九月王
知敬書按史高宗永隆元年二月丁巳如少室所
謂從駕想即是役也知敬書峻利豐秀信如昔人
所稱惜刻手不佳不免失其真氣耳

唐隱居王徵君口授銘

王君名玄宗字承真垂拱三年卒臨終口授其弟
紹宗而紹宗甄錄之者也紹宗官正議大夫行秘
書少監東宮侍讀兼侍書法書要錄謂其才高書
古述書賦極贊其書云如曲圍鴻飛芳園桂植中
年小真書體象尤異沈邃堅密而此碑殊不稱豈

銘雖手錄而碑出他手乎紹宗列新唐書儒學傳而玄宗附見云隱嵩山稱太和先生通黃老術但未經辟召而稱徵君何耶

唐石淙秋晏詩

石淙在登封東南三十里即平樂澗也叢石攢立或插水中或倚岩畔高低縱橫千態萬狀水啣石根環轉穿流至兩峯夾處瀉注渟泓名曰車箱潭潭上有天然洞唐武后於此崖建三陽宮嘗遊於此諸臣侍宴賦詩刻於南崖石壁前列武后序七言律詩自太子顯以下應製者凡十有七人相王旦武三思閻朝隱崔融薛曜徐彥伯楊敬述狄仁傑張易之張昌宗李嶠蘇味道姚元崇于季子沈佺期宋之問北主鹿臣荒遊酣晏而一二端人亦預其間可謂薰蕕混雜詩既鮮佳者而失粘尤多薛曜書大徑三寸瘦勁而露筋骨似公權之前矛然結體不及也詩中多用武后製字按后紀以久視元年詔於神都作三陽宮四月幸之閏七月再幸詩當題於此時是月李嶠罷九月狄仁傑薨不

應有詩矣

唐景龍觀鐘銘

觀唐中宗造睿宗鑄鐘製銘前有序云考虞倕之懿法得晉曠之宏規庶召鯨工遠徵鳧匠蓋六朝之餘體也正書時用隸法敦樸饒有古意後署景雲二年土鑄成

唐贈歙州刺史葉公神道碑

此道士葉法善之父慧明神道碑也開元五年七月建首行剝落但存江夏李

下缺三字

國子缺太學生

下

分隸道古絕似西岳華山碑歐公云李邕撰並

書而不言正隸趙明誠錄二碑一為李邕行書一為韓擇木八分趙子涵所得正分書而傳為邕書嘗以為疑余所見田子青簞家藏二本其一行書明係邕書其一分書即是碑江夏李下雖有缺字要亦邕書也殊與金石錄不合新唐書法善傳云睿宗之立或言陰有助力碑中殄滅元克翼扶皇統之語當謂是也第生而知之與丕承之業云云施之方士殊為不倫

唐御史臺精舍碑

崔湜文梁昇卿追書湜為人傾邪險惡穢污史冊其文亦政復不減董道以精舍字失考責之雖極博辯抑又未矣昇卿分隸精工峻拔卓然名家其東封朝覲碑今不存聞蒲州首陽山有二賢廟碑曾囑友人購之尚未得也

唐少林寺牒文

寺僧曇宗以翻城功授大將軍賜寺地四十頃武德五年寺廢八年仍置莊寺僧彥等請改為賜田既經勘實而牒之也開元十一年牒書法穩秀山谷云武德中省曹符移字畫猶有鍾元常筆法此牒殊不類鍾而頗得永師千文筆意碑後復贅云唐武德四年太宗文皇帝勅授體殊不合字亦不類當是寺僧妄贅耳

唐道安禪師碑

右碑開元十五年建宋儋撰並書儋字藏諸庶平人以書名開元間官秘書省校書郎述書賦謂其書作鍾體而側戾放縱迹不副名山谷題縫本帖

云字儋姿媚尤宜於簡禮惜不多見又云儋筆墨精勁但文辭蕪穢不足發其字是碑極贊道安云道以生知德惟天縱其蕪穢可見書信精勁但過於作態誠如側戾放縱之譏淳化第五雜帖錄儋書與斯邈並列東觀餘論譏之云儋明皇時人不應意為遠古人又云儋有嵩山圭禪師等碑亦不工圭禪師碑今不存獨此碑耳

唐少林寺碑

碑建於開元十六年裴灌文並書刻於太宗檄文之下明皇分書於碑首故文有御書碑額之語碑文冗雜不稱霹靂之名誠如元美所譏其書則絕似同州聖教序也

唐元氏令龐履温碑

碑開元二十四年建邵混之纂蔡有鄰書蔡書在開元間最為擅名歐陽公尤貴重之謂其書難得而小字尤佳與三代彝鼎銘何異然歐公所錄僅三碑而已此碑及尉遲迴碑固未嘗見也丙戌十一月都門從徐壇長借觀跋

唐大智禪師碑

大智見新唐書方技傳碑嚴挺之撰史惟則書惟則分隸盛為寶泉張懷瓘所稱以余觀之體制茂密融鑄有法但覺俗氣未除謂為開元第一未敢信也挺之文尤繁蕪而石墨鐫華云麗則可誦亦所不解碑陰楊伯成撰亦史書惜未見

唐尉遲迴廟碑

碑在彰德城西北隅尉遲迴廟中成伯嶼撰蔡有鄰書此碑見唐川書跋而都立敬楊用修趙子函皆不之及土人云近歲縣丞某重修廟掘地得之或明季埋沒地中乎有鄰濟陽人張懷瓘謂衛中多其遺蹟今所存諸碑大都在河朔間也石經讚崔潭龜詩諸碑歐公盛稱之而董道不之及豈董時已不存與

唐元宗注孝經

開元帝注孝經御書太子亨題額前有御製序簡當有體分書豐茂英特殊勝史維則也

唐華岳精享碑

王簿咸廡撰文殿中侍御史劉昇書隸法古勁乃
唐碑之猶存漢意者然不及韓蔡輩也碑題名甚
多惟興元間盧倣崔漢衡分書甚精工丙戌冬月
友人徐壇長贈

唐岳麓寺碑

此劉侍御豹南所贈者碑雖橫斷然餘字風神鉅
鍛俱存俞仲蔚云勝雲麾信然

唐雲麾將軍碑

唐有兩雲麾將軍一為李思訓碑在蒲州一為李
秀碑在良鄉皆李北海書昔人強分真贋優劣殊
為未審余有詩云多少墨人空聚訟不知世有兩
雲麾蒲城碑近有模本良鄉碑今移宛平縣署

唐郎官石柱記

唐尚書省郎官石柱記序朝散大夫右司員外陳
九言撰吳郡張旭正書据跋舊為吳郡都大僕家
藏後歸震澤又歸莽州今為商邱宋太宰所有丙
戌都門出以示余骨峻神間饒有晉人風韻余家
藏旭草書頗多而楷法未見但據歐蘇曾黃董諸

公題跋盛稱是碑不意於今獲覩真所謂難得而可貴者也。因攜歸旅舍展玩數日。同友人全車同弟芳艸題其後而歸之。右帖歐公作郎官石記長公董道皆云石柱而山谷作廳壁按序云昇降年名各書廳壁謫誤。多總載闕如以故左司郎中楊公慎餘伐石刊記建於都省南榮云則知所謂廳壁者皆繫手書在此碑未建之先。此碑題目當以坡公石柱為是。山谷偶未審耳。是日西陂先生出西岳延熹碑與此同觀。隸書蒼勁固不待言。

而通體完好。僅缺十字。使紅豆老人見之。不知如何稱快耶。此石原記開元二十九年後郎官姓名。而此本止存其序。與歐公所見本正同。附識于此。

丙戌暮春慈仁僧舍書

唐尊勝陀羅尼咒

碑無年月。但署嵩山隱士高岑書額云奉為開元皇帝造正書。頗峻利。

唐嵩陽觀碑

李林甫撰。裴迥題額。徐浩書。蓋明皇詔方士孫太

冲煉丹於嵩陽觀六轉而移緱山昇仙太子觀九轉而林甫頌之者也据碑投藥鼎中則河尹官屬封泥印署藥成駟獻則三事百僚奉觴稱賀且謂神丹一御與天無極君荒臣諂所以張大斯舉者可謂至矣是時去黃虵北來青驪南幸之日僅十一年耳王元美云不知南內辟穀自托元始孔昇真人肯亦曾得此丹力否可發一噓碑在今嵩陽書院門右高丈一尺濶六尺厚三寸許首跌稱是余嘗徘徊其下竊疑季海分隸肉厚力勁其工如此而歐公所謂唐四家者不之及且歐公凡再遊嵩嶽豈未見此碑乎而集古錄無有亦可怪也碑後天寶三載二月五日建用小篆康熙三十九年

三月嵩陽書院書

唐北岳廟碑

陳州長史鄭子春纂博陵崔鑲書鑲于唐無書名而分書之妙直與韓蔡雁行可寶也北嶽在今曲陽舊有漢光和四年碑見集古錄今已亡有余頃官都下從友人徐子壇長借燕趙諸碑刻嶽廟僅

得唐碑四種恒山封天安王銘李荃撰載千齡書
天寶七載建隸法類白石山碑其碑陰則唐傑撰
亦載千齡書較前頗小而加勁時似史晨其一則
鏤書也他如大忍寺門樓題額甚奇偉而書却不
大佳附識于此

唐靈運禪師碑

塔建於天寶九年大理評事崔琪撰會善寺沙門
勤缺二書法雖出聖教而神氣局促大相縣絕王
元美謂其絕類聖教無一筆不似過矣按碑沙門
下乃勤字當是僧名而元美以為勒亦誤

唐湛橋寺石像頌

寺在吾邑東南三十里據文乃天寶九年比丘道
文造天宮石像而鐫頌其下也頌駢體皆宗門語
頗亦不惡書法朴茂時兼分隸是時明皇方尚書
學海內從風故善書者尤衆惜石缺名姓不存吾
邑唐碑絕少急錄之

唐千福多寶塔碑

右碑南陽岑勛撰徐浩篆額顏真卿書塔僧楚金

建元宗嘗賜錢五十萬絹千疋以助之又於花萼樓下賜塔額又賜絹百疋又賜金銅香爐高一丈五尺開元帝之迷惑濫費固不待言楚金一募化頭陀而岑勛以岳瀆之貌冰雪之姿望之厲即之溫為稱悖亦甚矣塔天寶元年營建四年告成碑天寶十一年立時魯公方以朝議郎判尚書武部員外郎坡公云此碑為魯公最初書已足與虞褚抗行矣何元美有佐史之恨也

唐永泰寺碑

碑天寶十九年建沙門靜彰撰潁川處士荀望書靜彰為彼家之言固自不惡而荀正書亦穩重可觀其去駱文蔚中岳廟碑不啻百輩而葉井叔顧取彼而駁此何邪



金石續錄卷三


襄城 劉青藜 太乙著

同懷弟 青震 嘯雲閣

男 伯安 編

唐代宗勅

代宗留心翰墨工於行書宣和書譜謂其筆法勁媚尚可追配昔人今觀此勅信然勅云戒分律儀釋門弘範用申獎導俾庶勝因允在嚴持煩于申謝



唐郭敬之家廟碑陰

碑行書精勁神采煥發不著書者姓名而趙子函謂非魯公不能余嘗於延津周子礎公家見魯公祭姪季明文與此酷肖近人榻碑多缺碑陰如此碑所載汾陽官闕及其兄弟子孫真足補史家之漏何可闕也

唐元次山悟臺銘

元次山為有唐名臣而詩文亦峻潔可誦所銘悟溪悟臺唐亭右堂在今永州府祈陽縣南五里丙戌夏余于慈仁寺市得臺銘一紙前書河南元結撰後題有唐大曆二年歲次丁未二月十五日記不著書者姓名据山谷題壁及荅悟溪長新公書乃汪華令瞿令問玉筋篆也而王元美疑此篆為陽水作或公自作之豈未見山谷語耶集古錄有臺錄而溪亭皆不載王阮亭先生云意歐公時二碑尚幽翳未出理或然也友人成周卜曾以悟溪諸銘見許丙戌五月十九日禮部習儀回書

唐大證禪師碑

右碑金紫光祿大夫門下侍郎平章事太清太微
宮使崇玄弘文館大學士上柱國齊國公王綰撰
銀青光祿大夫行尚書吏部侍郎集賢殿學士副
知院事上柱國會稽縣開國公徐浩書大曆四年
建季海書較不空碑頗瘦而結體正同

唐中興頌

頌刻于永州浯溪崖上上元二年秋八月元結撰
顏真卿書大曆六年夏六月刻魯公諸碑無大于
此者歐公云模打既多石亦殘缺世人所傳完好
者多是傳模補足非其真者故子函疑王元美所
獲恐是棗刻余所見亦完好只缺一字耳訪之曾
遊此地者皆云崖石如故不知歐公何以云爾按
序天子幸蜀太子即位靈武二語据事直書而褒
貶昭然後來作者惟山谷能暢其旨余嘗有靈武
樂府云靈武帝苦太早胡不延俟冊寶南京使到
差晚已尊上方相裴冕三十六日須臾耳可惜草
草作天子七寶雕鞍為誰頒樹雞無聲日對壘牝
味奪晨又一時飛龍小兒相表裏阿瞞歸來甘露

閉枉着山人費牙齒鶴駕雞鳴望眼穿白首拾遺
痛欲死意亦相同而筆力去十舍矣

唐干祿字樣

此本宋時已磨糊近世榻者絕少丙戌于同年友
呂無黨編修許見之云以千錢市得但不知是楊
漢公模本否

唐元公次山墓表

此元公次山墓表也墓在魯山青條嶺泉陂原故
吏大曆令劉衮江華令瞿令問等樹碑撰書皆出
魯公手元公自是唐家賢臣而魯公亦贊揚盡致
所謂忠烈義激文武直清信非溢美碑四面環書
字大徑三寸許深厚穩重蓋魯公得意書也按碑
公以道州刺史轉容州都督兼本管經畧使丁內
憂百姓詣使請留大曆四年拜金吾衛將軍兼御
史中丞本管使如故公矢死陳乞者再三優詔哀
許七年春朝京師四月薨于永崇坊旅館蓋公既
宅憂節度使以百姓請留具疏故以本管使加拜
金吾將軍御史中丞及陳乞詔許遂去官服闋入

朝卒於京師碑所云四年七年者語自明悉而新唐書云會母喪人皆詣節度使府請留加金吾將軍民樂其教至立石頌德罷還京師卒於公矢死懇請優詔哀許皆畧而不書而于加金吾將軍下贅以民樂其教云云若公遂奪情留任者然且云罷還京師者亦不合此皆記載之謬急宜釐正者至於兼御史中丞之漏猶其小者也公父延祖移家魯縣故公墓馬碑近移置學宮

唐贈揚州都督高公神道碑
此高力士神道碑也代宗時還其官贈揚州大都督碑大曆十二年勅建今殘闕僅存上段其事亦與史微有不同按史力士乃蕃將馮盎曾孫聖曆初嶺南擊討使李千里所上後坐累逐出中人高延福迺養為子故甯其姓而碑云則天命內官母養之又史云上皇徙西內十日為李輔國所誣除籍長流巫州而碑云上元初避嫌請出皆不甚合豈有所諱而不敢言邪碑首列尚書駕部員外郎知制詔下缺不知撰書姓名行法頗似聖教但差

肥耳

唐輔國大將軍行左神策將軍知軍事檢校右散
騎常侍兼御史大夫義陽郡王符公神道碑銘
符公諱璘令奇長子也祔塋富平之薄臺碑即在
其地令奇死田悅之難見新唐書忠義傳與碑大
都相同其中微異者璘以三百騎送李納兵還齊
與令奇嚙臂別乃與三子俱降燧而碑但云在重
圍中父子密語云云公計遂決乃使家僮潛通其
誠似不若史之詳又碑云令奇嚙璘歸順璘泣曰

悅忍人也璘苟脫去將不利于大人奈方寸何而
史但云悅忍人也近禍可畏又不若碑之語意分
明也碑李崇閔撰文甚朴質無唐人靡麗之習柳
公權書較元秘塔字頗小而結構正同康熙丁亥
七月十八日東軒書

唐殷夫人墓志

右誌在河南舊府治門內掘土得之委弃糞壤學
博齊君懷瑜言于當事移置關將軍廟中剝落殊
甚其可識者篆額唐錢塘縣丞殷缺餘首行錢塘縣

丞府君夫人字缺三側書并序二字次行第十三姪

男金紫光字缺四湖州刺史上柱國魯郡公真卿撰

并缺誌云君號缺定瑯琊臨沂人北齊黃門侍郎

之推府君之玄皇朝壽王記室思魯府君之曾著

作郎弘文缺賢缺之孫天皇帝曹王侍讀贈華州刺

史昭甫君之季女以下文字益漫漶不可句昭甫

魯公之祖夫人蓋魯公之父同產也書法類家廟

碑而稍大歐公跋魯公斷碑云如忠臣烈士道德

君子端嚴尊重使人畏而愛之雖其殘缺不忍棄

也余于是誌亦然

唐淨住寺文賢像銘

右碑僅存上段据文乃河東裴行純寫佛像供養

于淨住寺以追薦其先者也撰書姓名俱不存碑

云有道成法師者像極鑿體包觀露組栞門之

落搆激俗諦之類又云玉豪韜聖覽聲塵而可

紀或畫像即出其手乎其分隸頗拘而近俗乃唐

隸之下者

唐顏魯公東方朔讚

右碑在今陵縣字大徑三寸許方整奇偉不咸家廟碑余於慈仁寺市曾見之

唐顏氏家廟碑

唐通議大夫行薛王友上柱國贈秘書少監國子祭酒太子少保顏君廟碑銘第七子光祿大夫行吏部尚書充禮儀使上柱國魯郡開國公真卿撰并書顏氏世系官闕子姓行誼文學皆詳碑中後附云建中元年秋七月鐫畢八月真卿蒙愆遷太子少師冬十月男頲封沂水縣男頲新泰縣男姪男頂丞縣男頲費縣男頲鄒縣男微軀官階勲爵並至二品子姪八人受封無功無能叨竊至此子孫敬之哉今在西安府學宮太平興國中都院孔目官李延襲語郡守從郊野移置

唐不空禪師碑

右碑嚴郢撰徐浩書建中二年建趙子函云結法老勁而微少清逸在唐書中似非其至者信然

唐爭座位書稿

此因菩提寺行香及興道之會郭代公指麾座次

先魚朝惘於尚書而移書爭之也米元章云真蹟
先豐縣先天厝德中牒起草在宣教郎安師文
處此刻不知何年上石亦不知係摹勒真蹟否然
所謂字字意相連屬飛動詭形意狀得於意外者
猶可識也山谷云此書雖奇特猶不及祭濠州文
之妙惜未之見叔父云國初見一僧攜有真本不
知何處榻也

唐會善寺戒壇勅

右碑汝州刺史兼御史中丞陸長源撰河南陸郢
隸書貞元十一年建郢書不多見此碑頗佳袁中
郎嵩遊記亟稱之

唐少林寺廚庫記

廚庫寺僧法真募建吏部侍郎顧少連撰洛陽令
崔溉書太僕寺主簿史鎬篆額貞元戊寅立是時
杜黃裳為河南尹實資助之故記有躬主辦之勤
假清白之俸云杜賢相也亦傾信釋氏乎少連
嘗吏登封與法真有故故記中頗推許之溉書似
規摹廟堂然神氣不逮也

唐楚金禪師碑

右碑草堂寺沙門飛錫撰翰林學士吳通微書貞元二十一年建据碑承明三入弘道六宮后妃長跽云唐家之惑迷於釋氏可謂極矣碑後附載竇文場奏請追謚云千福寺先師楚金是臣和尚云彼髡何物稱以先師且云是臣和尚何等語也而入之章奏乎閱之不勝大息通微書柔媚無骨真似女博士書謂有晉人丰度殊覺溢美

唐羅池廟碑

按集古錄羅池神廟碑沈傳師書長慶元年建榻本未見而坡公所書荔子丹辭傳者甚多据跋語乃長沙師安公藏本以授柳州推官刻之廟中者也字大徑尺奇偉雄健與退之辭可謂兩絕

唐嵩高靈勝碑

此大和間府尹王侍郎准制拜岳而衛尉少卿為詩寄之者也詩殊穉俗書亦粗疎其中御札字與三州守缺文示敬同一尊崇毫無差別何邪熙寧丁巳中常侍王紳禱雨岳祠獲是石于圮墻下

遂移置壁間云

唐銀青光祿大夫檢校禮部尚書使持節梓州諸
軍事兼梓州刺史御史大夫充劔南節度副大
使知節度事管内觀察處置靜缺軍等使上柱
國長樂縣開國公食邑一千五百戶贈吏部尚
書馮公神道碑

右碑銀青光祿大夫守兵部尚書充皇太子侍讀
兼判太常卿事上柱國晉陽縣開國子食邑五百
戶王起撰翰林學士朝議大夫守諫議大夫知制
誥上柱國河東縣開國男食邑三百戶賜紫金魚
袋柳公權書宿以開成元年卒塋于萬年縣崇道
鄉白鹿原按新唐書宿本傳云婺州東陽人而碑
云冀州長樂人宜以碑為正又以書說王武俊事
傳甚詳而碑不載但云移檄敵人示順逆之理寢
李師古之謀而已似不若傳之明悉韓文公愈以
京師迎佛骨上疏切諫忌公者因上之怒誣公實
為之出刺歛州徵拜刑部郎中遷兵部郎中知制
誥而傳畧之但云淮西平除比部郎中長慶時

知制誥似不如碑之詳也誠懸此碑字與符璘碑
小大結構相同而精采過之昔人論正書自魏晉
迄唐得四十餘人公權與焉而趙子函謂其筋骨
大露不免支離凡遇柳書無不力詆吾不解其何
說也碑內哭于中唐之唐似是堂字而作唐何也
唐立秘塔碑

塔在長樂南原僧大達墓處立秘勅賜塔名建于
會昌元年裴休撰柳公權書碑敘大達見禮德順
憲三朝出入禁內隆遇備至所謂迎骨于秘殿親
奉香爐為乞福者即韓文公表諫事且謂縛吳幹
渚蔡蕩鄆皆參用真宗之明效當時君臣迷惑至
此而以人其人火其書直言危論于其間潮州之
貶猶為厚幸矣然即此以觀文公衛道之功亦豈
在禹下哉裴休酷信浮屠法演繹附著萬言與紇
干泉善至為菜門號以相子其為文自應爾爾柳
書勁悍自是法家子函以脫巾露肘貶之母乃過
歟

唐圭峯禪師碑

碑在終南草堂寺柳公權篆額裴休撰并書歐公
云文辭事跡皆無足採而趙閑閑有平生最愛圭
峯老獨有裴公無媿詞之句何邪休書雖彷彿道
因碑而有穉氣子函乃云勝柳大抵子函喜歐虞
而不喜柳故于柳書多微詞耳

唐張旭斷碑千文

書甚奇怪惜殘缺不完山谷云長史帖多贗作人
聞張顛未嘗見其筆墨遂妄作狂蹶之書託之長
史其實張公姿性顛逸其書字字入法度中也

唐張旭肚痛帖

此書變化流轉又有法度乃知千文非長史真本
也

唐懷素藏真帖

藏真懷素字帖述洛下與顏尚書論張長史筆法
事他書所紀屋漏痕古釵腳當是此時語也素乃
錢起仲文之甥仲文有送甥懷素上人省親詩僧
家省親亦罕事

唐懷素律公帖

律公不知何許人帖凡二一因求書一因問疾素師以好事許之信不虛也此與藏真帖俱用遊絲法皆游師雄刻石周越跋字亦雄偉但素師在前不免玉山照人何

唐懷素聖母帖

懷素貞元九年書元祐戊辰上石所紀述者亦謝自然之流而稱聖母殊為可笑素書輕逸圓轉直似張伯英黃長入所謂授裳像爽等字雜章草法者即是書也

唐懷素草書千文

懷素千文真蹟米元章云在蘇液處沈邁刻版是也此碑刻手不佳用筆曲折處皆糊塗不清神氣全失乃成化間余肅敏公勒石者戊子中秋書

唐懷素自敘帖

懷素自敘帖据寶章待訪錄云在朝奉郎蘇液處杭州沈氏嘗刻版本而文衡由跋云成化間此帖藏荆門守江陰徐泰家後歸徐文靖再歸吳文肅最後為陸冢宰所得陸被禍遂失所傳其後獲觀

因雙鉤入石余謂此帖固佳但時而縱筆稍涉狂
放尚不及聖母帖也

唐草書心經

此經王元美謂駙馬鄭萬鈞書疎縱不中懷素作
奴余尤嫌其有俗氣然不知果出萬鈞否也

金石續錄卷三終

金石續錄卷四

襄城 劉青藜 太乙撰

同懷弟 青震 嘯雲閱

男 伯安 編

宋中嶽廟記

乾德三年河南留守建中嶽廟行廊百餘間鄉貢
進士駱文蔚撰并書文蔚字惡令人不欲屬目而
葉井叔乃云書似率更殊不可解

宋會善寺佛殿記



翰林院學士朝請尚書兵部郎中知制誥柱國賜
紫金魚袋王著撰攝大理評事王正己書宋有兩
王著此碑立於開寶中當是前王著也文殊不佳
正己書雖學聖教而肥緩近俗正所謂院本者寺
殿為朱梁僭號時拆取材木故記有撤深巖之寶
殿增壯麗於國門之語

宋徐休復謁孔子廟記

淳化二年給事中徐休復謁孔廟記彭宸公書記
云非學先師之文何以脫紅塵上清漢至為鄙陋
而宸書亦穉俗因家藏宋人分書少姑存之

宋贈夢英大士詩

咸平元年刻盧嶽僧正蒙書書學誠懸幾於亂真
贈詩者皆宋初諸名公而極其不堪且措辭命義
如出一手疑假托且希夸隱者亦未必為近體贈
人詩也

宋中嶽醮告文

此大中祥符八年醮告文也天禧三年立石是時
天書方興故封岱之後遍祀羣嶽所謂綠錯之圖

疊承於錫羨紫烟之燎言獲於升中即其事也文
在中嶽廟殿前石幢六面環刻待詔劉泰初書與
王正己碑俱屬院體

宋晏殊策父并詩

晏原獻詩呈祐辛卯署汝州團練判官廳事呂
書原獻七言近體載宋文鑑者楚楚有致而此詩
殊冗俗呂書亦不足觀也

宋瀧岡阡表

碑無書者姓名但署歐公名銜而已此表千古絕
調而書殊不稱不知出于誰手歐公平時最重蔡
君謨書而坡公又其門下士何不一屬書也山谷
集載海神借觀碑文事甚誕然山谷不應如此作
偽

宋黃山谷卧羊山題名

卧羊山在葉縣之北官道旁石上題名甚多皆不
足觀山谷題名在山西隅蓋尉葉時所題也余有
詩紀之云昆陽城北漁水旁山石穢穢如卧羊此
地往還經幾度跬步未到空徬徨霜清木落原野

淨興來偶逐南鴻翔手攜筇杖穿犖嶸四顧何異
黃茅崗大小石皆斧劈皴側理鏡平滑且光老僧
云此地多題名披尋奚翅十百行俗物茫茫敗人
意恨無袖椎擺雷碾西遶龍池向丁戊掉頭欲去
殊依依荆棘叢裏發光怪瞥眼大叫喜欲狂文曰
黃庭堅魯直同遊王從握李康時維熙寧歲庚戌
崔源募工鑄分朗鉄畫銀鈎廿九字鸞停鵠峙劍
吐芒雨淋日炙七百載依然完好無缺戕憶公作
尉歎遭回希踪漫叟詞激昂五斗米奪一溪樂兩
鬢飄零四時忙毒螫草搖霜威烈手板愆期呵汝
陽煙沙篁竹鷓鴣岼江南歸夢何曾償鳳凰在笈
驥伏櫪羈棲已足令人傷况乃鬼門驢瘦嶺他年
萬死投遐荒自古賢豪多坎壈撫茲遺跡為慨慷
宋嵩陽題名

幢在今嵩陽書院漢柏之南有宋祖無擇寇仲武
蘇舜欽李仔肩宋仲基王通玉王敬叔蘇注陳知
儉邢儔蔡京諸人題名錯落其上又有數行云余
與子由考試西洛進士畢同遊二室諸寺最後過

天封精王觀道子畫遂行熙寧五年九月十日也
其下不題姓名或傳為坡公書按坡公熙寧五年
十月方監誠杭州安得至洛袁中郎以為當是西
京教授王平甫輩然亦無從考也嵩少間唐人題
名甚夥今多不存惟嶽廟崇福官三醉石尚有宋
人題名以瑣碎不錄

宋黃山谷書達磨碑

字大徑尺許筆力軒翥神丰煥發寥寥十二字直
與少室爭雄

宋蘇東坡歸去來詞詩

元豐四年九月書石在長安余所收坡帖頗多如
西湖詩浪淘沙詞之類疑皆近世木榻故不具論

宋東坡蜀岡詞

詩刻在揚州上方寺石已斷王阮亭先生官詞李
日用鉄束之植于寺中并次原韻刻石其側余所
收乃邳縣刻也

宋蘇子瞻書醉翁亭記

此書體兼真行草策勒波磔無一筆似長公王元

美疑其非真信然此記為文壽承摹刻乃高新鄭
所得徽廢邸本也余曾見孫氏家藏乃坡公楷書
字大徑五寸餘

宋米元章方圓庵記

元章題記後云元豐癸亥四月九日慧日峯守一
記不二作此文成過予愛之因書書法原本聖教
而過用側筆取勢遂近于佻與米他書不類也

宋米元章千文

此元章奉勅以黃庭筆法書千文也書殊不肖黃
庭余弟嘯雲酷嗜采書如茗溪別友詩大士讚獅
子贊虎丘詩王宰山水歌阿房宮賦告夢文十紙
說百花詩知止閣之類不下二十餘種而集帖不
與焉余謂其體制雖殊而用筆則一故不具論

宋蔡襄畫錦堂記

畫錦堂在今彰德府鼓樓之西順治間掘地得是
碑今移於城東南隅韓魏公祠余在京師曾見榻
本端重嚴勁絕類魯公宋人稱為本朝第一信不
虛也彰德尚有醉白堂記韓魏公先塋碑惜未寓

目

宋蔡卞曹娥碑

卞書固自不惡宣和書譜謂其圓熟未至稍露圭
角殊允

宋刻真武經

元符二年河南宋傅書楷則工穩但過于矜持少
事外遠致耳

宋于真庵記

此庵徽宗為道士于元隱羽化造都轉運使任諒
為記而集唐虞褚薛徐歐柳李諸書者也集刻誠
佳但不免子函百衲之譏

宋絳州孔子廟碑

此亦集右軍書與河東運城鹽池碑正相等不及
聖教遠甚

宋三十六峯賦

賦四明棲巽令嵩時所作僧曇潛書建中靖國元
年刊賦中或背若相戾一段辭意多本南山詩曇
潛從坡公遊數見公集中宜其書法之酷肖也

宋竹林寺羅漢洞碑記

洞造于崇寧元年釋有挺撰知永安縣王適書碑已燬金大定十九年僧淨浩重上石寧陵比丘廣真書記文荒誕不足道特行書頗有米海嶽筆意姑存之

宋黃山谷題中興頌碑後詩

此詩山谷集但云題中興頌後石刻云崇寧三年三月己卯風雨中來泊浯溪進士陶豫李格僧伯新導道同至中興頌厓下明日居士蔣大年石君豫太醫成權及其妹逸僧守能志觀等俱來又明日蕭褒及其弟裒來三日徘徊厓次請余賦詩老矣豈復能文強作數語惜秦少遊已下世不得此妙墨劉之崖石耳後署云修水黃庭堅字魯直諸子從行相稅枳椇春陵尼悟起山谷此詩議論正大筆力雄偉真足與元頌顏書鼎峙雖張文潛作且不逮也按元公時議三篇乃肅宗因蘇源明薦召詣京師問所欲言而上詩云春陵二三策似可商

宋修孔廟記

此大觀元年修孔廟記也字瘦勁而多姿亦宋碑之佳者在吾邑學宮東廡下

宋嵩嶽題名

王仲疑鄭修年弟億年李伯達向子諲宣和乙巳七月來正書絕似坡公

宋元祐黨籍碑

据沈暉題識乃嘉定辛未重鑱於真仙岩者也暉曾大父名在第六十三人故暉權融州時出藏本刊之碑內共三百九人章惇附後王阮亭先生云黨籍碑凡三立初百五人皆正人也其後人益多並小人之不相合者亦列之暉所据想後本耳

宋克寶文閣待制韓宗道墓誌銘

宗道字持正韓忠憲公億之孫知制誥綜之子官寶文閣待制誌曾肇撰趙挺之書子開為文宋史稱其溫潤有法信然挺之書全學皇甫碑宋書之具唐體者也

宋慶成軍使韓宗厚墓誌銘

宗厚字敦夫與宗道同祖比部郎中緯之子韓氏
宋時為中原巨族其塋墓在潁昌府長社縣嘉禾
鄉靈井里二墓順治間被掘銘在今韋家莊廟中
宗厚誌朱光裔撰杜紘書視宗道誌如出一手宋
史宗道附其父綜傳無他事實而緯與宗厚不見
宋游公師雄墓誌銘

游公師雄墓在武功縣西原鳳岡誌張舜民撰邵
龠書游公宋史有傳與誌相符邵書亦圓勁但稍
滑耳

宋朱文公書

右朱文公所書易有太極一段蔡元定刻筆力古
勁真足俯視一切文公自云學孟德書信不虛耳

金趙秉文草堂詩

閑閑草堂寺絕句五首乃正大乙酉奉使夏臺回
所題行書清矯余友車同急稱之閑閑詩云南山
常讀退之詩不
及煙雲潤色之余謂橫雲時平凝默默露
數岫韓公固嘗道及閑閑或未偶審耳

金修孔子廟碑

碑在邑學宮東廡簷間李春嚴撰文麻九疇題額

趙翬書正大丙戌建字亦穩重因錄之

金竹閣寺碑

資政大夫襲封衍聖公知集賢院事兼大常丞孔
元措篆額金奉直大夫應奉翰林院文字雷淵撰
昭勇大將軍

草場監支納官陳仲謙

分書寺在三鄉之西元光二年建希顏金源豪傑
之士元遺山盛稱之且云文章號一代不數人者
此記可見一斑也仲謙書方整但少神韻耳余與
全子車同過其地徘徊久之車同舊題一絕云修
竹何曾見一竿寺僧去盡寺門關空餘一片元光

石日對門前女几山

金葉令劉雲卿去思碑

雲卿為葉令蠲除逋賦民甚賴之見元遺山宛丘
行注金史本之碑趙閑閑公撰并書閑閑金源名
宿文頗不盡所長行法極似元章但石理粗漸墜
裂耳碑從無榻者余曾有長句向友人索之云昆
陽令尹多好奇天龍降後仙息飛兒戲鬼怪兩無
取驚愚惑衆將奚為雲卿作事獨尋常但知拊摩

寒與饑懸逋如山片時蠲流者還鄉居者嬉鑄功
勒德垂貞珉墮淚不數羊叔碑當時豈少秉筆徒
獨向閑閑公乞辭意取人文兩相稱流傳萬古無
凋墮遺山老子同時傑宛丘命篇何淋漓我嘗讀
之再三歎但恨未睹遺愛詞平生性耽金石文直
與歐趙爭依稀離家三舍目未徧踈漏豈免高人
嗤鼻願一丈老栢下悶宮昨日方一窺馬秣車脂
不可留手摹心豔空移時南遊方城抵宛鄧荒祠
破塚搜靡遺少伯廟與朱穆墓范曾撰刻中郎槁
雨淋日炙樵斧劈龜趺零落徒嗟咨媚生謾死佞
佛老鑿鑄所在蟠蛟螭鳴吠不入孝穆耳掉頭疾
走猶嫌遲匝月南北半千路片石韓陵將在斯况
今髯李森如麻牛頭租外窮毫釐陽城元結號迂
拙雲卿名姓知者誰竒章架上富剡藤南郡帳裏
多隄靡願榻萬本為我贈移作官箴蘇遺黎豈徒
好事恣吟玩蒐羅點綴盈茆茨

竒章謂牛相辰
南郡謂馬季白

元少林寺裕公碑

碑延祐元年建程鉅夫撰趙孟頫書書殊謹飭但

少姿態耳子函目以圓熟過矣

元祐聖觀重建元武殿記

此記元明善撰趙孟頫書犀利之中恣態橫生自是松雪本色元美謂摹北海子函謂失肥緩殊不爾也

元重刻李愿歸盤谷序


是序唐貞元間濟源令崔泂勒石歐公云已磨滅而都玄敬云石在縣民張端家顧亭林金石文字記云宋元祐八年傅堯俞重刻余所收乃元重

刻史庭玉書殊不足觀後附李俊民詩亦不大佳元刻唐太宗幸慈德寺詩

太宗貞觀六年十六年兩幸慈德舊宅有詩二篇天聖中种世衡曾刻石正大中重刻首陽山僧惠鑒書亦穩重可觀



今五... 卷四



天聖中... 卷四

太宗貞觀六年十六年... 卷四

太宗貞觀六年十六年... 卷四

太宗貞觀六年十六年... 卷四

